

Date: n.y. 13 May [1555]¹

REF: GD112/39/1/7

Place: Schian (Glen Quaich)

From: James Campbell of Lawers

To: Colin Campbell of Glenorchy

Address: To ane honorable man Collin Campbell of Glenorquhay

Honorable Sir efter hertle commendatioun. Attour ples zou syne ze hef gottin zour bill of ye partis landis yat ze allegit kyndines to and it ver zour plessour to let me hef of zou ze landis yat I and my feyer brukit lenge or ze ver born for ye weill peyng I ber ye mastir in zour caus ye qyhilk landis ar to sey efter c...ll... bayth ye merkland of Crag... and ye merkland of Petmekke.² Attour Sir it vill pleis zou to leif me bruk ye sobir landis I hef in Glen Almond and Lawers zour tenendis tak away ther guidis of ye said landis. For lovin to God I ma nocht forgay ye said landis bot on forse put ye sammyn to all ye profyt I may. Yis day I past to vysse quhat gudis beis vithin my bundis and to remowf yame tharfra and as to ye vranguss manaring thir iij or iiij zeris bygane I vyll contenewe ye pundin and apryssin of ye gudis yat I fynd apun my grund to zour spekan and myne exsep I vyll nombir ye gudis and put in vritt ye sammyn and ye nummer of ye men yat ye said gudis pertenis to. Attour Sir it vyll pleis zou ye Lade zour guid syster hes send Edvard hir soun to speik vyth zou quhay is pressentle vyth me. And vyll God I and he salbe at zou ye morn at evin and ye be in ye Ill and in ye meyntym and ze thocht best guid it ver ze gartht ye Lard of Leyon keip tryst at ye furd of Lyen yat frendis mycht spek hym for I beleif Master Johne Andrieis be cumin or vylbe yis nycht in Veym to sollest ye best he cane. And God keip zou. Of Scheane ye xiiij day of May instand be zouris

James Campbell of Lawers

¹ After the contract made 6 May 1555, see letter c.27 April 1555, GD112/39/1/9.

² Craig and Pitmackie in Glen Quaich.